

Itangazo ryihutirwa
CONTACT: Jackie Lewis
L3 Communications
L3@edc.org
0784187997

Umuhango wo kugeza kuri za TTC impano y'ibitabo 100,000

Kigali, Rwanda—Kuwa kabiri, 3 Ugushyingo 2013

Kuri uyu wa gatanu tariki ya 6 Ugushyingo, hazaba umuhango wo kugeza ku bigo bya za TTC na Koleji nderabarezi (CoE) impano y'ibitabo birenga ibihumbi ijana. Muri gahunda yo guteza imbere umuco wo gusoma, umushinga L3 uterwa inkunga n'ikigo cy'abanyamerika gishinzwe iterambere mpuzamahanga (USAID) uzashyikiriza ibyo bitabo abayobozi 13 ba za TTC n'umuyobozi wa Koleji nderabarezi (CoE).

Ibitabo, byatanzwe ku nkunga y'ikigo mpuzamahanga cy'ibitabo (International Book Bank (IBB)), birimo ibitabo by'inkuru z'abana, ibitabo by'imfashanyigisho by'abrimu, ibitabo by'inkuru ndende (novels) kimwe n'ibindi byo gusoma umuntu ashaka kuruhuka mu mutwe. Muri uwo muhango, abahagarariye CoE, USAID, umushinga L3 n'umwe mu bayobozi ba TTC bazafata ijambo. Hazaba n'umwanya wo kungurana ibitekerezo no kwica akanyota.

Nk'uko umukuru w'ishami ry'uburezi bw'ibanze akaba n'umuhuzabikorwa wa za TTC muri CoE, Dr. Faustin Habineza, yabivuze, "Koleji nderabarezi yi yemeje guteza imbere umuco wo gusoma nka bumwe mu buryo bwo kuzamura ireme ry'uburezi."

Ibi bitabo bizagirira akamaro za TTC mu gushyira mu bikorwa integanyanyigisho nshya-iyi nteganyanyigisho ikaba irimo uburyo bushya bwo kwigisha indimi. Icyibandwaho cyane mu gutoza abana gusoma ni ukwifashisha inkuru mu ntagiriro y'isomo, mu isomo hagati na nyuma yaryo. Abarimu ba za TTC bazifashisha ibi bitabo birimo inkuru kugira ngo bereke abanyeshuri babo uko bakwifashisha inkuru mu gihe bazaba barimo kwimenyereza kwigisha mu mashuri abanza.

Ibitabo by'imfashanyigisho kimwe n'ibitabo byo gusoma hagamijwe kuruhura mu mutwe nabyo bizagirira kamaro kanini abanyeshuri ba TTC n'abrimu babo. Bizatuma abanyeshuri bakurana umuco wo gusoma ku buryo igithe bazaba babaye abrimu uwo muco bazawukundisha abanyeshuri babo ndetse n'abrimu bagenzi babo.

Umwe mu barimu bigisha muri CoE, Jean Pierre Mugiraneza, yagize ati, "Kimwe mu bibazo bikomereye amashuri yo mu Rwanda ni ukutagira ibyo gusoma no kutagira umuco wo gusoma; iyi mpano y'ibitabo ikaba ije gucyemura ibi bibazo."

Umushinga L3 uterwa inkunga na USAID, ugashyirwa mu bikorwa na Education Development Center, ibifashijwemo n'abafatanyabikorwa barimo, REB, Koleji nderabarezi ya Kaminuza y'u Rwanda na Voluntary Services Overseas (VSO), Concern Worldwide, International Education Exchange, na the Peace Corps.

Education Development Center, Inc. (EDC) ni umuryango udaharanira inyungu ukorera hirya no hino ku isi. Ufasha mu gukemura bimwe mu bibazo bikomeye mu burezi, mu buzima, n'iterambere mpuzamahanga. EDC ifite imishinga 250 mubihugu 30. Dusure kuri: www.edc.org.